

Instala aireacondi-  
cionado na Bo-  
cas AWOR!



tel. 2170

# A RUBA ANSE COURANT



Diario



pa Aruba

TRY...  
**Tropical Cherry**  
a fine NEW softdrink  
from  
**Tropical Bottling Co.**  
call: 1773



ANJA 21

DIARAZON 9 SEPTEMBER 1959

Nr. 3531

## A cuminza Tercer Congreso Estudiantil Latino Americano na Caracas

### Chens pa 25 homber den „Kolonne“

ORANJESTAD. — Segun informacion di bon fuente actualmente tin chens pa 25 homber di edadnan entre 18 na 50, den Kolonne Roo te Kruis. E idea ta pa duna e grupo aki un training como asistente den e kolonne cual curso ta cuminsa 2 di oktober proximo. E curso ta trata di E.H.O., transportacion di heridnan, exersicio, wapenkenis y organisacion interno. Esnan cu ta interesa por duna nan nomber por escrito prome cu 20 di oktober na e toevogegde officier dje Kolonne, luitenant Kieskamp, Fahrheistraat 9, Oranjestad. Demanda pa participacion ta gratis y bo mester ta persona servicial.

### 19 sept. 'Nochi Arubano na Basi Rutí

PALE BEACH. — Ta di dos biaha eba durante su existencia corte cu Basi Rutí ta organiza e fiesta llama „Nochi Arubano“. E biaha aki e fecha ta lija pa 19 di september proximo. Cushtia di B-R lo peca pa euminda Arubano y tambe e musica lo ta tipico Arubano. Cojuntunan na Aruba cu ta desea di toca algun pieza durante e anochi e por acudi na e secretario di Basi Rutí señor Jos van der Schoot.

## Lago ta duna bonbini na di 25.000 bishitante



Aki nos ta mira sr. B. Teagle, gerente di relaciones publicas presentando un scroll na sra. Eliza Lopez na ocasion di e bishita distinguido aki. Na robes e lider dje tournan, sr. Sefariano Luydens.

Sra. Eliza Bouffacia Lopez, un graciosa dama di edad cu cara altere y calce cubri cu velo, a bira di 25.000 bishitante di e paseonan organiza pa Lago ariba September 4. El a vega hunto cu un grupo di sesenta como nari di un di e paseonan regular pa niembran di familia donr di e gigantesco refinaria di Lago Oil & Transport Co., Ltd.

Drentando e porta di Reception Center el no tabatin saber di e significancia di su bishita of di e ceremonianan planea na su honor. Pesei, tabata un completo sorpresa, y un agradable, ora Tour Leader Severiano Luydens a anuncia na e bishitantenan despues di completacion di e paseo cu Sra. Lopez lo worde honra como e bishitante distinguido di compania ariba e dia aki. Na Papiamentu el a gradici Sra. Lopez pa ser di 25.000 bishitante di dje y di compania.

B. Teagle, gerente di relaciones publicas, a presenta un scroll y un bouquet di flor na Sra. Lopez. Sra. Lopez cu palabranan afectivos y sincero mezel cu felix emocio a gradici sr. Luydens y sr. Teagle. Tambe Sra. Lopez a worde felicita pa J. V. Friel, superintendente interno di departamentonan di staff y servicio, y E. Byington, gerente interno di relaciones industriales. Sra. Lopez ta es-

CARACAS, 8 sept. — Awe a cuminsa na Caracas e tercer congreso estudiantil Latino Americano. E discurso di apertura a worde tene pa e autor y ex-presidente Venezolano, Romulo Gallegos.

El a instiga e estudiantenan na e universidadnan, pa aumenta nan actividadnan riba terreno social y pa colabora particularmente den e lucha, cu ta tuma lugar na tur pais contra delinquencia hubetil. E ex-presidente a referi na e responsabilidadnan dje estudiantenan pa emancipacion economico y politico di Latinoamerica.

Na nomber dje estudiantenan estrahero a papia Jorge Echeandía Hímenez, delegado di Guatemala. El a pidi pa e congreso aproba un resolucio, cu ta favorece autonomia di tur universidad na tur pais. E estudiantenan Latinoamericano mester prepara nan mes pa contribui pa desarrollo economico e independencia di Latinoamerica y nan mester apoya e lucha cu ta tuma lugar contra e gobiernonan dictatoriales cu ta existi ainda na Santo Domingo, Haiti, Nicaragua y Paraguay.

E presidente dje delegacion di estudiantenan na Uruguay a declara, cu el lo tene un discurso tocante e problema dje colonianan estrahero riba e continente mericano, durante e sesion.

E delegado di Puerto Rico a informa cu el lo ofrece e congreso pa su aprobacion un resolucio na labor di

emancipacion politico y economico di Puerto Rico, cu segun el a bisa, cu berdad ta completamente bao di control di Merca.

### Comision pa derechonan civil na Washington

WASHINGTON, 8 di Sept. — E Comision pa derechonan civil, cu a worde forma na Merca na September 1957, pa un estudio di discriminacion a base di raza of religion, a propoe da un raport, cu a worde entrega na Presidente Eisenhower y Congreso mericano, pa forma un consejo pa reconciliacion el documento di crasocho, cu mester yuda e autoridadnan transicion pa integracion racial na e scolnan.

E raport ta contiene un total cantidad di 15 sugerencia pa combati discriminacion dje eleccionnan, educacion y acomodacion. Loke respecta e eleccionnan e comision ta recomenda pa nombra un „griffier federal“. Presidente Eisenhower lo mester nombra un „griffier federal“, si tin kehenan funda respecto restriccioanan di derecho di vota, pa motivo di raza of religion. Un tal griffier federal lo mester zorg pa tur hende cu tin derecho di vota worde inscribi riba e listanan electoral y pa nan hanja oportunidad di vota.

### Expresionnan di Golda Meir

TEL AVIV, 7 di September. — Golda Meir, ministro di asuntunan exterior di Israel, a declara ajera, prome cu el a sali fro di Tel Aviv pa bai New York, cu el lo menciona e confliction pendiente entre Israel y e paisnan arabe, durante e proximo Asamblea General di Nacionnan Uni. El a mensiona como conflicto mas importante, esun di pasashi liber door di Canal di Suez, leke Egipto no kier conceder Israel, E boyote arabe di mercaderianan israelita y e actitud enemistoso di Egipto loke respecta Israel.

Gobierno israelita a dicidi ajera tambe pa apoya Francia si e conflicto argelino mester worde discuti den Nacionnan Uni.


### Washington ta desmenti cu Laos a pidi ayudo

WASHINGTON, 8 di Sept. — Circulan diplomático na Washington ta desmenti, cu Laos a pidi ZOAVO ayudo en conexio cu situacion na e pais ei, manera a worde informa na Bangkok awe mainta.



Sra. Eliza B. Lopez cu nos ta mira den center dje foto aki na entrada di Reception Center Lago, tabata di 25.000 bishitante di e paseonan organiza pa Lago. Aki e ta para hunto cu e grupo di bishitantenan cu tabata hunto cu ne e dia ei.

## Trupanan Chines Rojo ta acercando



Flechanan ta endica na unda mas parti dje atakenan di trupanan Chines Rojo a worde nota na frontera India di 1.800 milla den parti Noord. Esaki ta e area di Sining y Lohit. Mayor parti dje mapanan ta endica e parti di India aki como Assam. Nan a informa cu tin trupa Chines tambe na Bhutan (1). India tin convenio pa proteha Bhutan y su becinja chiki Sikkim. Tambe tin noticia cu mas den Oeste tin trupanan Chines Rojo cruzando Kashmir den area di Ladakh (2). Esaki ta e situacion segun ultimo noticianan cu a drenta.

## Prome Congreso di ingeniero, mecanico i electricienan na Caracas

CARACAS, 8 di September. — Awe Presidente Romulo Betancourt a efectua apertura di e prome Congreso Venezolano di Ingenieronan, Mecaniconan y Electricienan, na Ciudad Universitaria, Caracas.

E congreso ta worde atende na 312 delegadonan di gobierno y di industria privado y pa observadonan di Chile, Cuba, Argentina, Merca, Brazil y Peru. Mienbronan di cuerpo diplomático, personanan prominente di circuitonan economico y financiero y tin publico grandi tabata presente na e ceremonia di apertura.

E presidente dje congreso, Ernesto B. Jacir, a bisa den su discurso di apertura, cu e idealnan mas importan-

### Raket lo bai awor den atmosfera cu hende aden

STUTTGART, 8 di Sept. — E especialista mericano riba terreno di Raket, Wernher von Braun, a declara cu Stuttgart, cu Merca tin intencion di trata di liza un hende den espacio otro anja.

Ta trata aki di lanzamentu di un Raket tipo „Redstone“ cu pasahero aden, cu lo cubri un distancia di casi 296 km., asina Von Braun a bisa. Despues cu e persona den e raket a pasa 6 minuut den espacio, el lo bolbe den atmosfera. Den caso di emergencia el lo por bandona e cabina y bolbe tera cu un paracaídas, asina Von Braun a declara.

## Eliminacion di malentendimiento entre Inglaterra y Rusia

MOSCU, 8 di September. — „Nos bishita a convene nos di e necesidad pa establece tur sorto di contact pa elimina malentendimentonan cu por existi entre Inglaterra y Rusia, asina e lider socialista ingles, Aneurin Bevan, a bisa

### Herter lo bai Washington majan back

WASHINGTON, 8 di Sept. — Christian Herter, ministro di asuntunan exterior di Merca, kende a sosesa na New England, despues di su bishita pa Europa cu Presidente Eisenhower, lo bai Washington bek majan. Un portavoz di State Department a informa, cu Herter a interrompi su vacation un poco, en conexio cu e desarollonan na Laos.

### Eleccion general na Inglaterra

LONDEN, 8 di September. — Na Londen a worde informa oficialmente, cu dia 8 di October lo tin eleccion general na Inglaterra.

Camara de los Comunes lo worde anula dia 18 di September. E Parlamento neho lo reuni atrobe dia 27 di October.

Camara de los Comunes actual a worde elegi na Mei 1955.

## Trupanan di Laos ta evacuando forti di Sam Teu

VIENTIANE, 8 di September. — Trupanan di Laos a hata order na evacua forti Sam Teu, na un distancia di 50 km. parti norteste di Sam Neua, pasobra e rebeldenan ta acercando. E ministro interno di asuntunan exterior a informa cu e guarnicion di Sam Teu mester prepara su mes pa accion di guerrilla den e region montanoso rond e forti.

El a bisa cu el a ricibi noticia respecto presencia di 700 rebelde di Norte-Vietnam y como 80 rebelde di Pathet Lao, den e region ei, pero e coleccionan no tabata por worde afirma.

El a informa na un conferencia di prensa, cu e mes rebeldenan a conquista 5 fortificacion cerca e rio Ma, na parti norteste dje provincia Sam Neua cerca e frontera di Laos cu Norte-Vietnam.

Hopi dje 4500 ex-soldadnan dje Pathet Lao, cu a worde anula na 1957, a pidi gobierno proteccion, pasobra e

rebeldenan a insisti cerca nan, pa nan bringa pa e Pathet Lao atrobe. Esaki ta socede particularmente den e region corant ruso cu sa sali riba diaduna, cu e organo oficial ei di partido comunista ruso no ta duna informacion respecto e asamblea di consejo di seguridad cu a worde convoca pa awe nochi, pa discuti e peticion di Laos.

### Articulo publica den Prawda

MOSCU, 8 di September. — Ta worde conclui for dje articulon cu a worde publica den „Prawda“, e unico corant ruso cu sa sali riba diaduna, cu e organo oficial ei di partido comunista ruso no ta duna informacion respecto e asamblea di consejo di seguridad cu a worde convoca pa awe nochi, pa discuti e peticion di Laos.

Radioemisoran di Rusia no a menciona e asamblea di Consejo di Seguridad tampoco, ni den su boletinnan noticiero di ajera nochi ni den esnan di awe mainta.



Den oficina di tijd. Gezaghebber E. Arends, mr. Frank Hartong a haci e juramento como secretario di Voogdijraad na Aruba ayera mainta. Tambe sr. Hartong ta encarga cu e reorganisacion di Reclusering na Aruba, y a la vez ora cu ta necesario e ta jurista pa territorio insular Aruba.



### Pelea na Noord

Dialuna anochi nan a pidi asistencia di polis na Noord na unda tabata pelea. Na e lugar endica polis ta hanja e hoben di 16 aña P.W. cu tabata sangrando na su man y pels. Paise cu e la herida su man den benta di glas di e school di mucha mihé ei banda. Dr. De la Fuente a atende e heridnan. Danjo na e heridnan ta 7.50 eual e hoben a priminti di paga.

### Carga a keda tras

Dialuna mañita tempran A-773 cu tabata hiba carga riba e caminda principal na S. Nicolas a liza dos mitar boiler cai. Fortunadamente cu esaki no a causa ningun desgracia, unicamente e carga a dafia un poco.

### Desgracia banda di panaderia di Hart

Den Arendstraat dilanti dje panaderia di Hart un mucha homber di cuater anja, R.D. a cruza caminda di repente y a dal den un auto cu tabata pasa nei na e momento ei. Tabata A-458H cual sra. E.B.G. tabata stuur. E mucha probablemente a lesa un hersenschudding y a worde hospitaliza.

FATUM — Tel.: 1845

Pa tur bo aseguronan

### Colision

Dilanti di Union Bar e auton A-3390 y A-4271 a dal den otro. E chofernan tabata resp. C.J.A. y V.K. Danjo J. 350.—

### Trabao di mucha?

Den anochi di diadomingo pa diaduna nan a horta den cantina di Lago Sport Park. Na unda nan a hiba botter di refresco y dushi Paeki ta parez trabao di mucha.

### Ladronicia

A.O. di Pos Chiquita a troa na nolicion cu nan a horta dos kantarí lo'i di un jaula di pajara cu su cas. O. ta reconoce cu e la lubida di pone e porta dje jaula na jabi.

### Choque

Riba caminda grandi dilanti di cas di doctir Desneri e auton A-5936 y A-7093, pesu, cu e chofernan R.R.F. y R.D.L. a forma un choke. Aki e danjo ta worde valuta pa f. 800.—. Motivo dje accidente: un di nan a bai lora den caya sin pone atencion cu tabatin trafico biniendo di direccion contrario.

### General Abraham di Buenos Aires a tuma su retiro

BUENOS AIRES, 8 di Sept. — E ministro di aviacion di Argentina, general Ramon Abraham, a tuma su retiro ajera, asina a worde informa oficialmente na Buenos Aires.

Parce cu el a tuma su retiro pa protesta contra e hecho cu sima pa gobierno di Argentina a cumpli cu exigencionnan di chereito, loke a causa cu general Anaya, ministro di defensa di Argentina, a tuma su retiro.

Presidente Frondizi a nega di acepta retiro di Abraham, asina su secretariado a informa.

TEXAS FURNITURE STORE

VUOR

PORCH ZITJES





# BAAS TOMMY



## y su amigonan di Arubaanse Courant

### Un Negoshi Brilljante

Un dia tabatin un cierta famia biba den un pueblo masha den tera, camina masha hende nuna no a mira lamar. Tur hende di e pueblo ey ta 'tata biba masha trankilo i sosega, di manera cu nan no tabata sinti falta mes di lamar. Nan tabatin nan pos i nan regbak i como cada unan awa ta cai regularmente, nan no tabata sinti ni falta di un rio mes.

Den e cierto famia ey tabatin un yiu homber so i cu un negoshito nan tabata drea man tene bida. E tata ta bai playa de bez en cuando p'e haci provision y asina nan a biba bai te nos amigo, e yiu homber a crece.

Un dia un tio di dje a bin bishita nan y despues di a keda un dos dia asina el a bolbe stad, pero el a ofrece e sobriño di dje di bai stad cu ne pe mira algo mas aya di su tera y despues di dos dia lo e bolbe. E tata a haya masha bon y nan a bai stad.

Figura bo com tolongra nos amigo a bira ora el a mira plaza grandi yen-yen di hende, auto, bicicleta, casnan grandi di tres o cuater piso, misanan cu toren halto, monumento grandi di marmol y bronce.

Luz electrica cu primiendo un boton, cas ta keda ilumina completamente, radio, telefon y tur otro comodidadnan di bida cu na cuneco aya en tabata conoce mes. Pero ora el a mira lamar, el a tolongra asina tanto cu e n' por a papia un pia di palabra. Lamar cu su grandez y su imponencia a large boca habri.

„Mi Dios! Por ta posible?” el a grita yen di emocion.

El a cai sinti na playa riba un barranca y ratonan largo el a contempla e bahia inmenso cu ta forma pa un rio grandi.

Nos tur sabi cu lamar ta suhi i baha tur dia, pero tin lugar unda e diferencia ey ta masha grandi mes, cu ta parece casi un misterio mes pa hopi hende.

Contemplando e bahia asina e ta mira un mucha binendo cu un bleki bao di su braza y e mucha a bai canto di lamar, yena su bleki y pone riba su cabez. Poco poco e mu-

cha ta cercando y ora el a pasa su dilanti el a puntre:

„Ta pasikico e awa ey?”

„Wel ni ta bai hende pa dos placa cu e hendenan cu no por bin sake nan mes”, e mucha a contesta.

Magnetiza pa grandiosidad di e bista di tanto awa asina, di cual e no ta mira ni su fin, y riba cual e ta mira bareunan di piscado ta nabega asina dushi, un cos cu nuna cu sinti, no por a yega na pensa mes, el a cuminsa sintie cansa y... el a pega sonjo.

El a drumi un ora, dos ora, te tres ora largo el a keda na sonjo. Mientras e tabata na sonjo, awa a bai bahando poco poco te yega na su marca di mas seco.

Di repente el a spierta fo'i sonjo y el a mira e mucha ta

binendo cu su bleki trobe bao di su braza. Segun e mucha ta bai canto di awa, nos amigo a cuminsa ripara cuanto barranca a saca nan lomba fo'i bao di awa manera un grupo di elefante hoga. Awa a seca di un manera cu e no por a comprende.

Di repente el a dal man na su frenta y a bisa:

„Caramba! Esta un bon negoshi e mucha aki ta haci!”

Cuanto bleki di awa e mester a bende caba pa e por seca awa asina tanto. Anto mi tata ta pasa trabao aya na cuneco pa bende cos den su tienda sin gana basta. Mi ta bai cas unbez trobe pa mi muntra papa ki un bon negoshi esaki ta.

Nos ta bini cu dos garoshi di awa, anto nos dos mester haci mucho mas negoshi cu e mucha aki, bendiendo awa rond stad.

### Compa Oso kera come honing

Den henter mondi Compa Oso tabata conoci pa su snoepmento. Tur loke ta coi come Compa Oso tabata gusta, pero loke ta cos dushi mes, ay, Compa Oso tende number so di cos zoet, ja e ta balia riba un pia manera cu ta di circo e ta.

Ja, tur bestia tabata conoce su golos pa banda di cos dushi y asina nan tende Compa Oso ta bini, ta curri econde tur cos, sino Compa Oso ta keda sinti te nochí cai pe tambe tuma parti.

Ata riba un dia Coma Konenchi a traha chupabébè pe drei man gana dos tres cen. Pasobra Compa Konenchi y Coma Konenchi tabatin mei nobenta jiu pa cria y no ta tur ora Compa Konenchi por o haya basta colo pa tur come jena bari-ca.

Coma Konenchi di den su mes: „Tempran ta bende” y el a lanta marduga fo'i su cama. Coma Konenchi a skeiru su djentenan te cu nan a keda ta lombra manera vuursteen, despues el a dal un banjo y el a bisti su shimis di den cos cu su freskot flora. Compa Konenchi y tur e jiunan tabata ronka aindo, ora cu Coma Konenchi a bai den cushina cuminza hunta e forman di chupabébè cu rees y pone

su suku na candela.

Ora Coma Konenchi a basha esencia di cereza den e suku, olo dushi a plama tur rond.



Coma Oso, drumi bao di un palo, a sinti e olo. Ay, nanishi a cuminza balia. Compa Oso a spierta, span su wowonan grandi manera dos skotter. Snff, snff, snff. El a hala tur e olo dushi aden. „Heèèèè, esta bon ceey!” Compa Oso di, „ni den cielo no por tin un olo dushi asina ki”. Compa Oso su boca a cuminza

„Ban mira ta di unda e olo celestial aki ta bini”, Compa Oso di.

E no a perde tempu ni pa alba cara of skeiru djente esta un viespuk, no? ma el a cana derechito riba e olo te cu el a jega na bentana di cushina di Coma Konenchi.

Compa Oso a para ketu na bentana. Coma Konenchi no sa unda. E ta blo jena su forman di chupabébè cu e suku roos y dushi, mientras e tabata canta: „Semper mi sa cu cada biah na bo tin di bolbe...”

Compa Oso a hari chiki-chiki. E di den su mes: „Com mi por laga di bolbe. Asina e chupabébènan aki ta cla, mi tin di bolbe, porke yes!”

Y Compa Oso a baha ketu bai bao di un palo pe pensa un plan pe kita tur e chupabébènan fo'i Coma Konenchi. Bos a jega di tende di un smeelap asina.

### Princesa Irene a inaugura Huishoudschool



Su Alteza Real Princesa Irene siman pasa a inaugura na Apeldoorn e edificio nobo di huishoudschool cristian. E princesa tabata bisti der un shimis geel cla cu un sombrè di e mes color dorna cu pluma. Aki e princesa ta mira yen di atencion na loke e discipulonan dje school ta haci.

Ha! 'N dura muchu, cu ja Compa Oso tabatin su plan cla. El a busca un ciboyo hunta su wowonan cu ne, te cu su wowonan a cuminza basha awa cuater-cuater. Anto el a busca un lenso grandi manera bela di barco v el a bai bati na porta di Coma Konenchi. Turestem Coma Konenchi a bin cla cu su chupabébènan, te cu el a saka nan fo'i forma pone nan fria, te e kera cuminza traha kweker oots pe jiunan, el a tende un batimento na porta y un snikmento.

„Ay Djo, ta kico lo por a pasa. Ta ken ta snik asina na mi porta”, Coma Konenchi di. E tabatin masha bon curazon y e tabata gusta juda tur su prohimonan. Coma Konenchi a bai abri porta. Ata Compa Oso para ta jora y snik sin piedad. Coma Konenchi tambe a bira tur verdriet. Casi pe tambe cuminza jora hunta cu Compa Oso, sin ke sa sikiera ta pakico Compa Oso ta jora tanto.

„Compa Oso, ta kico anto”, Coma Konenchi di, „ta con bo tin tantu verdriet asina? Drenta, dreña, bin sinta pa bo bedaru. Mi ta duna bo un cos di baha nervio”.

„Boehoe, boehoe, boehoeoeoeoe”, Compa Oso a jora como contesta, pero el a dreña y cai sinti mes ora den Coma Konenchi su stoel di zoja. Ey el a sigui ta jora, jora, jora, cu tabata dolor di alma.

„Conta mi ta kico”, Coma Konenchi di, „si mi por juda bo, cu gusto lo mi haci esey. Nos ta aki na mundu pa un juda otro”. Ha, esey ta net loke Compa Oso tabata ke.

„Ay un cas masha tristu ta pasando Coma Konenchi”, Compa Oso di, „boehoe, boehoe, hoe, hoe!”

„Ma bon canta mi ta kico anto”, Coma Konenchi di, y e mes tambe a cuminza seka su wowo cu punta di su freskot.

„Mi mama bieuw, ay, ay, ay, mi pober mama bieuw”, Compa Oso di, y el a sigui ta jora.

„Ay, e pober, ay e pober mama bieuw”, Coma Konenchi, y e tambe a cuminza basha un rio di awa di wowo.

„Si, e pober, e ta malo, masha malo na cama. Po-diser mi pober mama bieuw

tin di muri, ay, ay, ay, boehel!” Compa Oso di.

„Ma di con, pakico e mester muri”, Coma Konenchi di tur ansha, „bo no a jama dokter pe anto? Dokter no a dunabo remedi pe?”

„Ta ey e konoppi ta sinta, Coma Konenchi”, Coma Oso a contesta bao snikmento. „Dokter a duna un remedi cu mi no por haya ningun caminda y mi no tin cen pa cumpra tampoco.

„Mi tin di para mira mi pober mama bieuw muri dilanti di mi bista, sin mi por juda. Aaaaay! Esta un cos tristu”, Compa Oso di.

„Ta ki remedi dokter a mandabo busca anto?” Coma Konenchi di.

„Dokter di cu mi mama tin di come diez chupabébè pa dia, sino no tin scapatorio. Ta unda mi ta saka chupabébè pa mi pober mama bieuw awor Aaaaay! Esta un cos tristu”, Compa Oso di, y el a bolbe saka pida ciboyo ketu-ketu fo'i su sacu pasé na su wowo, pa mas awa di wowo cuminza basha. Ora Coma Konenchi a loer abao, tabatin un plas di awa di wowo banda di e stoel.

„No jora mas Compa Oso”, Coma Konenchi di, „pa casualidad mi a caba di traha chupabébè pa mi bende, pero si ta chupabébè por salba bida di bo mama,

### Dennis, de schrik van de buurt!



„Heus ik heb je sleutels niet, kijk maar!”

„Fuera chanza, mi no a cohe bo yabi, ristra'mi si bo kier!”

mi no por lagué muri ora cu mi tin chupabébè den cas”, y Coma Konenchi a lanta bai den cushina pe lora tur su chupabébènan den papel entrega Compa Oso.

Compa Oso a pasa man pe chupabébènan y e di „Pia pa kico mi tin bo”, y el a plama katuna, dirti bai.

Den esey Compa Konenchi mes a spierta. „Mai, unda Pai su koppie koffie ta”, Compa Konenchi di. Coma Konenchi a trece e koffie pa su casa y Compa Konenchi a ripara cu su wowonan tabata corra.

„Ta kico a pasa Mai, ta con bo wowonan ta corra asina. Jora bo a jora?” Compa Konenchi di.

„Ay si, Compa Oso a jega aki masha tristu”, y Coma Konenchi a conta tur loke a pasa.

Compa Konenchi si a comprende unbez cu tabata un tubo grandisimo Compa Oso a tira. El a rabia te cu su bigotinan a cuminza tril.

„Burico cu bo ta!” el a grita Mai. „Bo no ta comprende cu ta ganja el a ganja bo? Ki pober mama bieuw kico! Ta cuanto mama e tin anto. Su mama a muri cien anja pasa. Ta nek el a nek bo, animal!”

„Nos tur ta animal”, Coma Konenchi di sara, „no maha papia coi loco”.

„Mi ta haya”, Coma Konenchi di, „pa bigoti di mi tatarawela, mi ta haya Compa Oso, mi ta fix su cuenta pe!!!”

E ta sigui

### Mal costumbre

Senjora anciana den tranvia: Mi ta masha contra humamento.

Joncuman cu su sigaria y hopi huma: Bo tin masha razon, senjora. Mi ta di acuerdo cu bo. Mi tambe ta masha contra humamento pa hende di bo edad, mas tanto ora nan ta muher.

### Un bon remedi

Dos amigu cu ta gusta nan paranda a resolbe di dreña un sociedad di stop di bebe bebi-da sterki. Ora nan a scribi nan number y a priminti di no bebe sino hora cu por ehemplo nan ta malu y cu ta necesario, nan a cumpra un botter di brandy, esta pa na caso di enfermedad nan tin e na cas.

Nan a wanta un siman largo pero di ocho dia, dia Domingo atardi un di nan a keda mira e kashi camina e brandy ta warda cu un wowo di gana, manera hende desespera, y e otro a puntre:

„Bru ta ki falta?”

„Ay hombre, mi ta sinti cu mi ta bai cai malu y mi ta ke-re cu ta un tiki brandy so lo por...”

„Wel bru, ta duel mi, brandy a caba, pasobra ya mi tin dos dia malu caba. Pakico Bru n' cai malu poco prome.

### Petrona & Croes

Dakota - tel: 1712-1639

Pa traha plan di construcción, bestek y begroting.

### Revitalize Your KIDNEYS

Feel Younger—Look Younger

Nothing ages man or woman more than aches and pains caused by bad kidney action. This makes you suffer from Strong Cloudy Urine, Getting Up Nights, Burning, Itching Passages, Dizziness, Rheumatism, Backache, Leg Pains, Circles Under Eyes, Swollen Ankles, Loss of Energy, etc. Cystex helps you clean and purify your blood of acids and poisons now creeping into joints and muscles. In 24 hours Cystex kills kidney germs, strengthens kidneys and expels acids and poisons. Get Cystex from any chemist or pharmacist to put you right or money back. Act now! In 24 hours you will feel better and be completely well in a week.

For Kidneys, Rheumatism, Bladder

### Bunita bestia pero... peligroso tambe



Ingeniero Jiri Nosek, vice ministro di Asuntonan Exterior y su esposa na vliegveld di Praag a ricibi un regalo masha particular, dos jiu di tigre. Apesar cu e animalitonan ta mustri manso y bunita, senjora y senyor Nosek a hanja ta mihor nan pone nan den dierentuin na Praag.







